



N sport nŭ

Te chisc ultims agn án metŭ man de pratiché te nŭsc paîsc le sport dl broomball. Chêsc sport ti sumiëia n pŭ' al hockey y vëgn ince pratiché sŏla dlacia mo zënza ja-dins. I sogadus dles dŏes scudres á vignun na granara o na maza de plastich a forma de granara, y mëss porvè da trá na cogora de gume tla porta dla squadra avversara. Sciö-che portes vëgnel tut chêres da hockey y al vëgn soghé cun 6 sogadus por squadra. La cogora pò gní azicada cun vigni pert dl corp, mo la trá pon mâ cun la maza. Por stè plŭ saurí impé sŏla dlacia vë-gnel fat cialzá aposta da soghé a broomball. Sciöche alter-nativa pon ince mête sot i cia-lzá na sora de "gommapiuma".

La squadra da La Val á tut pert al campionat

Al vëgn organisé vigni invern n campio-nat de broomball nanter scudres dla Val Badia y pustres. Al campionat 1995/96 él ince stè la squadra da La Val che á tut pert por le prŭm iade y s'á batŭ dër bun cuntra les atres scudres bele plŭ espertes. Ala fin á la squadra coordinada da Vito Miribung arjunt le secund post te chêsc campio-nat.



1995/96. N valgügn sogadus dla squadra da La Val che á tut pert al campionat de broomball